

永  
定  
河  
志

永定河志目錄

卷十七

奏議八

乾隆三十六  
年至四十年

永定河志卷十七

奏議八

乾隆三十六年四月初二日直隸總督臣楊廷璋  
為

奏明事竊照永定河灘淤地畝經前督臣方觀承丈  
出地三十八頃九十四畝零交地方官召民認墾  
每年收租銀一千餘兩為各廟祭賽演戲並河防  
公務之用於乾隆三十一年恭摺具

奏奉

硃批如所議行欽此欽遵在案茲歷數年之久河身挾沙而徙不無又積新淤當經臣轉飭永定河道滿保清查議稟前來臣查南北兩岸六工現丈出新淤並柳園隙地共七十頃八十九畝零既可隨宜種植未便置之廢棄應請仍照從前查出淤地之例一體召民認種輸租以收地利臣與該道等公同商酌永定河南岸土性帶沙北岸則純沙無土

年年被水冲刷形勢未免漸致低薄自應添厚加高以資捍禦惟是例動搶修項下並無培築隄岸之款今查前項地七十頃八十九畝零應撥出六頃為北二工新建河神祠香火之用其餘六十四頃八十九畝約計每畝租銀二錢零交各該地方官召民認租歲可得銀一千三四百兩按年解貯道庫先擇南北兩岸最低最薄之處加高培厚逐一畝砥堅寔按年次第經理將所收租銀據寔動

用由道詳報臣於防汛時核寔驗收必使數年之後可使兩岸隄工漸次一律高寬仍每年將增高加厚丈尺動用租銀數目恭摺具

奏一次俾有稽考再將來南北兩岸隄工辦竣作何將租銀酌定歲修以資經久之處臨時另行定議奏明辦理所有臣查辦緣由理合恭奏伏乞

皇上睿鑒謹

奏奉

旨知道了欽此

乾隆三十六年十二月二十六日 臣 高晉奏曰修

周元理為遵

旨會勘直隸永定等河籌辦事宜恭請

聖訓事竊惟直隸近京一帶頻年雨水過多河流漲發

永定北運間有漫溢附近田畝節次被淹仰蒙

聖恩發撥帑金多方賑恤羣黎感沐

生成固已成登衽席茲復以各河應疏應築及應行減洩之處

特命臣等會同勘辦以期流安工固保衛田塍臣等欽遵

諭旨業將勘過南北運河大概情形先後繕摺仰蒙

聖鑒茲復會同將永定河北運河竟委窮源暨上下四旁通行查勘永定河發源於山西口外入直隸懷來縣境內之和合堡從石景山而出臣等至彼詳



加相度和合口原係兩山夾峙一水中通渾流至此本天然收束舊有玲瓏石壩意在稍緩其勢其實水小則無需抵禦水大則易於衝坍壩工既難經久自可無庸修復迨至石景山始有段落工程顧永定河性最湍急南衝北激水勢迄無一定則善治之方誠如

聖明洞鑒亦無一勞永逸之策

臣等遵奉

聖訓指示要領於人事未盡之中講求補偏救弊之法

惟有疏中泓挑下口以暢其奔流堅築兩岸隄工以防其衝突猶恐大汛之時滿盈為患深濬減河以分其盛漲今查石景山至盧溝橋舊有石工凡坍塌蝨裂之段落擬一律修補完固自盧溝橋迤下頭工至六工河身皆有淤阻而頭工二工尤甚臣等酌擬將中泓彎曲形如之字河身悉行取直各就形勢抽槽寬自六七八丈至十一二丈不等深四五尺至七八尺不等雖汛水長發普漫而來

然水性就下有此溝槽導引大溜自歸中泓下注  
其兩岸隄工卑薄殘缺之處甚多今擬間段加培  
至迎溜頂衝背後舊日漫口補還原隄之處應估  
築月隄以為重門保障惟是兩岸悉係浮沙以之  
築隄仍恐不能堅實如有膠土之處應取膠土加  
幫否則內用沙土外以鹹土蓋面封頂庶資鞏固  
南岸之金門閘並北村壩北岸之求賢壩皆為分  
洩永定河異漲而設金門閘口現今淤高而北村

求賢兩壩出水處向係灰土兩邊壩臺向用草工  
現據疊被衝損今擬俱改作灰土至下游引河金  
門閘與北村兩道均歸入牯牛河其淤阻之處宜  
一律挑通查牯牛河經由霸州地面入中亭河若  
減水過多則霸州一帶田畝被其淹浸且中亭河  
不能容納更易阻滯查牯牛河下截牛坨地面有  
黃家河一道為牯牛河分流今漸淤廢臣等查此  
河東南行由津水窪入田家泊俱係空曠之地約

寬二十餘里足資容納今擬於牛坨之旁牝牛河  
黃家河相接分流之處築挑水壩俾上游減下之  
水多入黃家河少入牝牛河則去路益暢而牝牛  
河亦可不致溢出其壯村壩引河已經全淤向係  
西行四里餘即入牝牛河與金門閘減下之水同  
為一路且自東轉西形勢不順往往東漫今擬開  
向東南計五十一里於將至牛坨之黃家河稍上  
入牝牛河即可會入黃家河合流而下此兩旁地

畝內被水皆可藉以宣洩又不獨減洩永定多餘之水而已此辦理南岸減河之情形也北岸求賢壩現在壩口殘壞亦因被淤之後形勢改易應行另建并開小引河一道達於舊河其迤下間段淤阻通為開挑順入黃花店月隄之下歸入毋豬泊內此辦理北岸減河之情形也至六工以下自改建下口以來溜勢屢經北徙若再徙而北則逼近東安武清兩邑縣治允宜預為防範臣等兩次確

勘今歲溜勢經葛漁城之北馬頭之南條河頭地方直往東行臣等因勢利導開通北路并於舊日已廢之北捻十二號築攔水土捻以遏其北徙之道則徑達沙家淀會鳳河下游由雙口歸大清河較為直捷大汛時消退迅速自可無虞旁溢其鳳河淤淺處間段挑深東岸之卑殘廢缺者量為整理惟是永定河所患在沙隨水停易於淤墊河底淤高不能水由地中以致旁趨為害該河每年雖

有挑挖中泓之例但河流綿亘二百餘里額定歲費所挑不抵所淤廳汛各員若再經理不善未免虛應故事此次雖經疏治水過仍恐停淤應請每年於秋汛水落後臣周元理親率道廳查勘一遍按其所淤丈尺估挑深通以備下年過水所需錢糧若數在額定五千兩以內者應照例估辦倘在五千兩以上則專摺

奏明辦理年年實力行之則淤沙有減無增河流自



能順軌矣

北運河工程從節

計永定河各工約估銀十四

萬一千八百餘兩北運河各工估銀十五萬五千

五百餘兩王家務滾壩落低筐兒港修築灰土並

疏濬兩減河及培築南北兩隄約估銀十一萬四

千一百餘兩修補西沽等處疊道添設橋座開挑

東岸引河約估銀二萬二千四百餘兩培築隔淀

隄並千里長隄約估銀六萬二千六百餘兩以上

約估共需銀四十九萬六千六百兩有奇如蒙

俞允臣周元理查藩庫現在無銀可辦應請

皇上勅部撥發以濟工用臣等逐處勘明均係應辦之

工現將永定河各工責成該管道員滿保北運河  
各工責成該管道員錫拉布其天津道宋宗元於  
此一帶情形較為熟悉並令會同再加確核取其  
詳細估冊由臣周元理覆核具

題分委妥員承辦工完核實報銷其一切疏築章程  
臣等照例定辦工規條並稽查驗收之法逐一酌

定通飭照辦務使工歸實在帑不虛糜以仰副  
皇上為畿甸民生勤求保障安全之至意而大小各工  
及時興舉用奏平成億萬黎民更普戴

皇仁于無既矣再各工興挑之處如有佔用民田一俟  
工完查明應豁應減糧賦照例具

題所有<sub>臣</sub>等會辦永定北運兩河各工事宜理合繕  
摺具

奏並繪圖貼說分別粘簽恭呈

御覽是否有當伏乞

聖鑒訓示遵行謹

奏奉

旨依議欽此

乾隆三十七年二月直隸總督臣周元理為

奏明事竊照永定河南岸頭工二十七號內玉皇廟

一座于康熙三十二年蒙

聖祖仁皇帝臨視永定河發帑建造

御書萬象同瞻匾額敬懸殿庭乾隆三十二年因廟宇年久坍塌逼近險工地處卑濕經臣方觀承

奏請移向迤西一百數十丈外地勢較高之處仍照舊制動支永定道庫存貯節年河淤地租銀三千一百八十餘兩重新建造詎三十六年七月內秋雨連綿河流漫溢全河之水直注廟中竟成大溜致將廟宇全行冲去經該廳汛各員將廟內

御書匾額請出另行供奉今漫工久經堵築完竣而廟宇

為

聖蹟昭垂之地歷今數十年去年被水冲去理應即為重建以垂永久並請於廟北添建河神廟三間冀藉神庥以獲安瀾之慶行據永定河道滿保率同廳汛各員就近相度擇於二十五號隄旁高阜處所照從前規制復建廟宇使古廟不廢並添建河神廟三間除撈獲舊料抵用外通共估需工料銀二千九百七十五兩零具詳前來臣覆核並無浮冒

查道庫河淤地租一項所存尚屬敷用應請仍於  
此項內酌發辦理興工責成該道廳實力督辦工  
竣容臣驗看核實報銷理合恭摺具

奏奉

硃批知道了欽此

乾隆三十七年四月初六日臣表曰修周元理為

設立浚船以重河務事查永定河最稱難治仰荷

聖恩大發帑金俾

臣

等相度辦理業將勘估情形會同

大學士高晉具奏在案現在南北兩岸隄埝一律  
加高培厚自頭工至第六工遇有淤灘挑槽截嘴  
又於第六工之下開挑下口引歸沙淀雖不敢言  
一勞永逸然人事當盡之處亦已不留餘憾但臣  
等伏思治河之道必使水由地中未可專藉隄防  
恃為鞏固每年經過汎水之後溜緩沙停易致積  
淤為患是挑浚之功最關緊要在汎水未發之前  
既發之後皆須逐段詳查一有新淤即當乘時急



辨惟水中嫩淤人夫不能站立難以施功必須設  
立浚船給之器具則人夫皆可於船上用力而所  
撈之土即以入船運至兩岸實為事半功倍即稀  
淤不能兜挽亦可推之使活隨水傳送不致久而  
凝結成灘於河務方有裨益查從前原有浚船一  
項緣過於淺小不能裝運泥沙而所設役夫多係  
另僱貧民不嫻挑浚久之有名無實經前督臣方  
觀承建議裁汰今查永定河上下共設河兵一千

二百三十名原為浚河之用臣等細按熟籌水中挑淤必須設立船隻方便於力作於事有濟並即責令河兵經管撐駕亦無庸另設祇夫隨飭該道滿保令將船隻是否有益作何施用應需何項器具作何挑挖暨船隻作何修補一一詳細具稟茲據該道稟稱永定河渾流汛前汛後淤嘴沙灘勢所必有但水中挑挖非有船隻難以施功既添船隻自當籌及用船之人生手未能合用查現在各

汎河兵多知水性應令河兵管駕如遇挑淤工大臨時添僱民夫即於額設中泓挑淤項內支銷至所需浚船應設五艙民船大小造用計一船用一櫓兩篙本柄鐵勺二把長把鐵鈹二把通計每船一隻連器具估需銀五十兩其船隻發交各汛員經收入於交代即有損壞逐年隨時修補亦須照三年小修五年大修之例在各汛既有船隻則間空之時撥運上下料物可省僱覓車輛以補隨時

粘補之費扣滿十年拆造一次准以所拆舊料作  
三成算用其造船等費即在額設節年挑淤餘剩  
銀內動用亦無庸另外請給今據設立五艚船一  
百隻酌撥於南北兩岸十二汛應用凡遇新淤或  
應裁截或應抽槽隨有隨辦不致積久為患矣等  
因具稟前來臣等覆查無異惟該道但就上下二  
汛而言而下六汛未經籌及查現在所開下口之  
地即向來任水蕩漾之所入淀之路已逐漸淤高

雖不能普加挑竣亦當抽溝引溜俾其暢出凡此  
抽槽之處皆宜每歲挑竣數次以免阻塞亦非浚  
船不可是下六汛亦應一體給發船隻以便挑淤  
之用再五艙船大小固為適中而遇水小之時恐  
未便利臣等議用五艙船八十隻三艙船四十隻  
計大小一百二十隻給配十八汛內應用其五艙  
船照該道所請每船並器具共用銀五十兩三艙  
船並器具每船估給銀三十兩造成之後臣等仍

親行核實查驗其此項造船銀兩查道庫現存挑  
挖中泓銀自三十一年起至三十五年共有節省  
銀七千八百三十六兩有零如蒙

皇上俞允即以此項動用及時興造限於汛前應用無  
悞臣等為河務要工起見再三詳酌意見相同為  
此合詞具

奏恭請

聖訓指示施行奉

硃批如所議行欽此

乾隆三十七年六月十六日工部尚書兼管府尹  
事臣裘曰修為工程完竣并陳明河道情形仰祈  
聖鑒事竊惟

畿輔河道蒙我

皇上軫念民生籌及久遠

特命大學士

臣

高晉

臣

裘曰修會同督臣周元理諮諏

相度

發帑金五十萬兩鳩工興舉自二月初旬冰泮之後督  
臣周元理遴員委辦臣復奉

命查視又會同臣周元理將原估各工復行履勘又於  
應行增益並應行節省之處詳加斟酌至工程將  
次告竣又蒙

皇上添派藩司楊景素一同查看收工臣襄曰修此次  
於五月二十六日出京藩司於六月初二日復來  
工所將前次未經收完之工次第收竣回省臣襄



曰修於永定河頭工乘船而下至第六工查視中  
流引河由六工至新開下口從條河頭出毛家窪  
直達沙家淀諸處遂轉至東淀沿千里隄並子牙  
河東西兩隄至西沽從北運河筐兒港張家莊王  
家務以下至梅廠大白莊各地面逐一覆查各工  
段一皆如式無異臣於運河永定河兩河上下左  
右俱經行畧遍履勘再三此番仰荷

特恩隄埝一切修整凡從前殘缺坍塌之處增高培厚

煥然一新自可資為鞏固臣伏查永定一河號稱

難治水性渾濁挾沙而行與黃河相等但黃河不煩轉輸直達於海此則入淀穿運然後達於海是以較黃河尤為難治然黃河綿長數千里此則二百餘里之內人力猶有可施顧自改易下口之後自六工二十號以下任其蕩漾而蕩漾既久泥沙停積南淤則北徙遂以北隄改作南隄迨北又建遙忿再淤再北則添越隄昨歲又穿越隄而北矣

若非此番

特命經理則東安武清縣治將為歸墟之壑是以相度  
便利於新開條河頭以下導之使東斷其北徙之  
路作通河尾閘雖限於地勢何敢遽言一勞永逸  
然人事不可不盡未可復以任其蕩漾之說誤之  
則每歲皆當挑挖並每汛過後皆當挑挖必分泥  
沙於兩旁而中間河槽一道斷斷不可阻塞向來  
河員只講築隄不言浚河雖

聖訓諄諄頌諸

永定河志卷十七

諭旨見於篇什者亦既剴切著明矣而河員習氣難除  
以為浚河艱於施功又不能見效不若築隄之有  
丈尺可循工料可算其最不肖者或更藉險工為  
利易於開銷魚以下口蕩漾之後遂更以有所藉  
口而挑淤一事徒存名色不知淤日積則河日高  
加隄而河身與之俱長既不能下達則未有不旁  
溢者下淤上決勢所必致此下口之疏濬在今日

不可不亟講也其上六工已無中流之形東衝西  
激在在皆成險工連歲趙村公義村等處漫工皆  
在上截蓋水就下專恃隄埝為保障而沙土浮鬆  
安能抵禦此六工以上之疏濬在今日又不可不  
亟講也臣查永定河額設挑淤銀兩並無庸另議  
加增只將歲修搶修之項通為一事則辦理裕如  
矣何以言之淤灘日減則水循中道水循中道則  
無東衝西激之患而險工日少無險工則無埽工

而埽工之費移於挑淤每歲挑淤淤不厚河流可  
以漸深不專恃隄埝以為防禦之術所謂行其所  
無事也不特永定河為然也運河兩岸險工林立  
而所以有險工之故則淤灘致之東岸有淤則水  
注於西西岸有灘則水注於東側注之勢偏刷隄  
根於是加埽加鑲加戩百計與之為敵曷若於水  
發之前凡有淤灘皆以川字河之法深濬溝槽水  
到引入槽中則險工便可大減亦請以險工之費

移於挑淤久之均化為平矣臣半歲以來工次逐  
加曉諭現在督臣周元理所見相同議論符合因  
永定河最關緊要合詞

奏請添設浚船并與以器具使得水中施功以資挑  
濬但必須通工文武大小員弁協力同心方能奏  
效永定河道滿保近亦深能領會所承造之浚船  
限於本月二十日完工原奏明偕同督臣公同收  
驗臣回京後仍擬於本月二十四五日間周元理

在固安防汎

臣

再往會同驗收船隻於每汎過之

後露出淤灘記明段落如某汎有淤幾段次年能

挑出幾段能省埽工幾段以截淤多少為汎員殿

最顯示黜陟之途俾以河平無險為陞轉之階庶

廳汎不貪歲搶修之小利盡知隄防難恃挑淤有

益一意講求數年之後諸河必大有成效

臣恭讀

御製視河諸詩欽佩

訓詞於數工濬川要肯得以仰窺一二今又襄理大工



考從前致弊之由酌今日應行之務又督臣周元理誼屬同舟共濟若不及此一一務求美善則此次經理既畢復致因循仍不能大有裨益於我

皇上不惜帑金詳籌利賴之至意殊為有負為此因收

工之後直陳於我

殊批

此語得之欽此

聖主之前總之河不外疏築二字而築不如疏理甚明白易曉築而不疏人特未心誠求之耳又直省之弊近水居民與水爭地如兩河之外所有淀泊本

以潳水乃水退一尺則佔耕一尺之地既報陞科則呈請築埝有司見不及遠遽為詳報上司又以納糧地畝自當防護如塌河淀七里海諸處隄埝直挿水中其實原無隄埝之時水發之後仍然退出而隄埝一立水從缺口而入漫滋既滿被淹更甚及水退之時不能仍從缺口而出遂致久淹不退積潦為災多由自致而愚民無知仍以築隄為愛遂下田防重遏甚有橫截上流俾無去路者現

在既不能一一將廢隄之土普行除盡只得多開  
涵洞以為出路不能如原無隄之為宣暢也又往  
往倡為防禦下游倒漾之說殊不知倒漾之水隨  
長隨落不能經久而不顧上游之全無出路則誠  
知其一未知其二也臣經行數次既有所見理合

一併脩陳梗概仰祈

殊批所言是酌量降旨欽此

勅下所司一切淀泊原係蓄水之區嗣後不許報墾墾  
科其淀泊中偶值涸出不得橫加隄捻則凡水皆

有歸宿不致壅遏為上游之害而河道民田似不  
無小補臣言是否有當伏乞

聖明訓示施行謹

奏奉

硃批覽奏具悉欽此

乾隆三十七年七月十二日直隸總督臣周元理  
為

奏明事竊照永定河七工舊河身內有武清縣屬之

范甕口淤灘麻葦地三十八頃九十四畝零原為  
河工蓄養葦柳麻觔之用嗣因節年受淤不宜種  
植麻葦於乾隆三十一年經前督臣方觀承

奏請召民認種禾稼分別定租每年所收租銀除通  
工兩岸十餘處廟宇一切酬神祭祀等費酌定銀  
二百四十兩外餘存道庫為河防公務及修葺各  
廟宇隄埝汛房等項之用欽奉

硃批如所議行欽此以後節年所收租銀俱於次年將

收支存貯各數具摺

奏明

聖鑒緣三十五年武清縣夏麥秋禾偶被灾傷貧民無力完租經前督臣楊廷璋請將該年應徵麻葦地租銀一千六十八兩零內照例蠲免十分之四銀四百二十八兩零其應徵六分銀六百四十餘兩俟三十六年秋後帶征完報

奏奉

硃批知道了欽此欽遵在案詎三十六年武清縣地畝又被偏災所有應徵三十五年蠲剩租銀小民輸納不前仍應照例俯准緩徵應俟三十七年秋後方可照數催徵至該地應徵三十六年租銀查上年春間

聖駕東巡欽奉

恩旨經由地方錢糧蠲免十分之五葦麻地坐落武清縣其應徵租銀應照河淤地租之例一體蠲免十

分之五銀五百三十四兩零又因上年交秋該地與民地一律成災其蠲剩五分銀內應於災業內再蠲免十分之四銀二百十三兩零所有應徵六分之銀三百二十兩零應照民地之例於三十七年及三十八九年分作三年帶徵以舒民力以免向隅茲據武清縣知縣阮芝生永定河道滿保詳報前來除飭將應徵三十五年蠲剩緩徵租銀六百四十餘兩及本年應徵三十六年蠲剩緩帶租



銀一百六兩八錢零一俟本年秋收後即行按數  
征解再行

奏報外理合將三十五六兩年租銀應緩應蠲及帶  
徵各緣由恭摺

奏明至節年收存租銀自三十二年至三十六年除  
循例每年動支酬

神祭祀等銀外現實存道庫銀二千二十二兩零遇  
有需用之處容臣核實隨時具

奏請

旨動用合併陳明伏乞

皇上睿鑒謹

奏奉

硃批知道了欽此

乾隆三十七年八月三十日工部為河工告成詳  
籌一切應行事宜恭請

聖訓事  
臣等會議得工部尚書表曰修等奏稱永定

河今歲所挖中流引河計十一段現在伏汎水發  
皆由中流順下所開下口引河亦皆暢出無阻至  
將來水落之後或有淤沙停積則用新設浚船挑  
浚其浚船應按工汎之險易酌為分撥查南北兩  
岸共十二汎除北四工距河較遠係屬平工毋庸  
分給浚船外其十一汎謹擬南岸頭工五艚船八  
隻二工五艚船六隻三工五艚船六隻四工五艚  
船八隻三艚船五隻五工六工皆五艚船六隻北

岸頭工五艚船六隻二工五艚船八隻三工五艚  
船八隻三艚船五隻五工五艚船八隻六工五艚  
船六隻六工二十號以下新開下口引河用五艚  
船四隻三艚船三十隻以上共五艚船八十隻三  
艚船四十隻分撥各工交各汛員經管入於交代  
隨時粘補等因查永定北運二河荷蒙

皇上發帑興舉大工現已告竣嗣後凡有應修應濬之  
處自當熟籌辦理今據工部尚書裘曰修等奏請

將永定河今歲所挑中流引河計十一段將來水  
落之後或有淤沙停積用新設浚船挑濬按工汛  
之險易酌為分撥查南北兩岸共十二汛除北四  
工距河較遠係為平工毋庸分給浚船外其十一  
汛謹擬南岸頭工五艚船八隻二工五艚船六隻  
三工五艚船六隻四工五艚船八隻三艚船五隻  
五工六工皆五艚船六隻北岸頭工五艚船六隻  
二工五艚船八隻三工五艚船八隻三艚船五隻

五工五艚船八隻六工五艚船六隻六工二十號  
以下新開下口引河五艚船四隻三艚船三十隻  
共撥五艚船八十隻三艚船四十隻分給各工交  
各該汛員經管入於交代隨時粘補等語應如所  
奏辦理但此係現在按段分給情形而河道平險  
隨時互有更易嗣後應令直隸總督逐年詳悉查  
勘隨宜分別撥船挑濬以期工歸新濬

奏稱永定河六工分為十二汛之外其六工以下向

設三角淀通判一員管河州判一員南北埕汛官  
六員其南三汛駐劄三角淀左近三角淀早已淤  
高改建下口之後距三角淀已遠惟通判駐於東  
安之別古莊而州判及南三汛並無移駐今新開  
下口既安浚船自應將該州判及南三汛移於就  
近辦理查新開之下口從條河頭出毛家窪經葛  
漁城之下史各莊等處入於沙家淀此處為通河  
尾間最關緊要應令該州判及南三汛即於條河

頭毛家窪葛漁城一帶駐劄其浚船調撥兵夫撐  
駕應有把總外委經管查格淀隄當城以下已改  
為疊道其設有把總一員原從永定河撥去今擬  
仍歸永定河令其管理浚船兵夫並添設經制外  
委二名俾得分領應用而三角淀通判率領州判  
專司浚船之事董率各汛暨把總外委查巡淤阻  
分段挑挖以專責成等語應如所奏永定河管河  
州判及南埧汛官三員准其於條河頭毛家窪葛



漁城一帶駐劄所有永定河原撥格淀隄把總一員准其仍歸永定河令其管理浚船兵夫並准其添設經制外委二員以資應用所添外委仍令該督於河兵內揀選拔補報部仍飭令三角淀通判率令州判專司浚船之事董率各汛暨把總外委查巡淤阻分段挑挖以專責成

奏稱永定河舊額每歲搶修銀一萬二千兩歲修銀一萬兩疏濬下口銀五千兩疏濬中泓銀五千兩

共銀三萬二千兩查河身日深則歲搶修之工可以日減今應通為一事總以浚河為主其歲搶修額銀許其通融辦理但不得出於額設範圍之外等語查永定河南北兩岸額設歲修銀一萬兩搶修銀一萬二千兩疏濬中泓銀五千兩疏濬下口銀五千兩每年據直隸總督照額題撥今已稱河身日深則歲修搶修之工可以日減應通為一事總以浚河為主歲修搶修額銀許其通融辦理不

得出額設範圍之外亦應如所奏辦理仍令直隸  
總督每年率同該管道員將永定河歲修搶修並  
浚河各工詳細確勘於額銀內通融辦理務使工  
歸實濟帑不虛糜以仰副我

皇上利賴民生之至意

奏稱浚河計算土方應於汛過水落之時查明某汛  
有淤灘幾段寬長若干應挑深若干預估丈尺核  
明土方給銀挑濬於麥汛水發之前完工由該道

驗收以防浮冒至若水中撈泥則須用浚船撈入  
艙內驗明每艙計土幾方一總合算又向例疏濬  
每土一方給銀七分而中泓則每土一方給銀四  
分殊未平允應照七分之例畫一造報等語應行  
直隸總督將各汛內應挑淤灘段落并長寬深丈  
尺於汛過水落之時詳細確查造冊報部其所需  
土方價值查永定河道屬挑河定例每早土一方  
給挑土募夫銀七分至疏濬中泓工程先於乾隆

十五年據

欽差原任江南河道總督高斌會同直隸總督方觀承  
奏請派令附近村民挑挖土方按例每土一方用  
夫二名每名給米一升外給鹽菜錢五文限二十  
日完工等因經軍機大臣會同工部議覆准行嗣  
據該督歷年報銷冊開每方折給銀四分准銷各  
在案今據工部尚書裘曰修等

奏稱向例疏濬每方給銀七分而中泓則每方給銀

四分殊未平允應照七分之例畫一造報等語查永定河疏濬中泓於河水斷流之時傳集村民分段挑挖與中流之挑挖水土者迥異且因附近居民自衛田廬起見工作又止限二十日完工自應仍照高斌等奏定成例每方折給銀四分毋庸另行議改至添設浚船兵丁撐駕排蕩及水勢稍落溜緩沙停積有嫩淤即令兵丁駕船挑挖運至兩岸原不計方給價至麥汛後兵丁上隄防汛另催

民夫駕船撈浚與兵丁之設有錢糧毋庸另給工價者不同與河水斷流時挑濬積土限二十日完工亦屬有間應如所請照每方七分之例支給俾官民皆得易於集事其所撈土方行令該督周元理轉飭道廳等官按依船隻號數船身大小每船艙口若干各艙長寬高深尺寸逐細詳查編列字號記明檔冊及撈挖之時將民夫撈出沙土照每船每艙實在丈尺據實折算按方給價仍令該督

將收過土方給過價值分晰造冊報明工部查核  
奏稱每歲挑挖之後至次年應挑之時查該汛原有  
淤灘幾段今抽槽通溜截灘幾段以截灘多者記  
功少者記過又新生嫩灘能用浚船即時挖去者  
為功嫩淤成灘者為過功過皆由該道申報督臣  
以憑陞黜等語所有文武各官功過由道申報總  
督以憑陞黜之處應如所奏辦理仍將該汛原有  
淤灘及抽槽通溜截灘段數每年分晰造報工部



## 查核

奏稱各工汛員有州判縣丞主簿吏目之不同功多者准以次陞轉尤多者特與保薦守備千把外委功過均照此例惟河工守備上無陞轉之缺果能大有成效許督臣奏明加銜或以營員陞用俾一體有所鼓勵等語查各省佐雜有苗疆烟瘴之缺故有三年五年俸滿即陞鼓勵勞員之例至河工各員疏濬挑挖是其專責其中果奮勉出力辦事

勤能者原准該督題咨陞用至奏稱功多者准以  
次陞轉尤多者特為保薦之處毋庸議其直隸河  
營千把外委內如有奮勉出力辦事勤能該督亦  
可隨時陞拔惟查守備一項河營內向未設有守  
備以上等官如守備內遇有勤能奮勉並無陞用  
之階似覺偏枯今尚書表曰修等所議奏明加銜  
或以營員陞用之處原屬鼓勵河工守備之意但  
查武職加銜之例久經停止未便更張至以營員

陸用之處查河工員弁工程為重而操防非所素  
習若僅就工程著效即予破格陸用亦恐該員精  
於河務者未必精於騎射臣等詳加酌議嗣後河  
工守備內有實心任事大有成效必兼通騎射操  
防者許令該督保題送部引

見可否以陸路都司陸用之處恭候

欽定如遇該備並不實心疏濬挑挖以致嫩淤成灘即  
行題叅分別降革庶功過益昭而於鼓勵河工員

弁之道更屬有益

奏稱從前堡船祿夫每歲支領催價而閑曠日多殊為糜費今浚船咸令河兵撐駕計每船五艙者須用兵四名三艙者須用兵三名每年麥汛至白露計八十日此八十日內各兵有上隄防汛之事應計其每船添催民夫由該道臨期酌量辦理等語查永定河等道屬從前原設有堡船四百隻每船催募祿夫三名每名歲支工食銀六兩嗣於乾隆

二十九年據原任直隸總督方觀承以堡船淺小不能裝運泥沙而所設硃夫多係催覓貧民不諳挑濬有名無實奏請裁汰經工部議覆准行在案嗣於本年四月內經工部尚書裘曰修會同直隸總督周元理以永定河每年經過汎水之後溜緩沙停以致積淤為患挑濬之工最關緊要惟水中嫩淤人夫不能站立難以施功必須設立浚船人夫皆可船上用力而所撈之土即入船運至兩岸

實為事半功倍請設立五艚船八十隻三艚船四十隻各汛河兵多知水性應即令河兵管駕等因具

奏奉

硃批如所議行欽此欽遵亦在案今據工部尚書裘曰修等奏稱新設浚船五艚者用兵四名三艚者用兵三名每年麥汛至白露計八十日此八十日內各兵有上隄防汛之事應每船添僱民夫由該道

臨期酌量辦理等語應如所奏五艚船准其撥兵四名三艚船准其撥兵三名以資撐駕撈運土方其麥汎至白露此八十日內各兵有上隄防汎之事勢不能彼此兼顧遇有挑濬事務應准其酌量添僱民夫辦理工畢造冊報明工部核銷其所用僱夫工價即在額設銀三萬二千兩內動支

奏稱汎水將長將落之時水頭迅急中流引河恐泥沙衝入致成阻遏應用浚船順流排蕩使之通流

此係河兵力作應行之事不能計算土方只在本  
廳汛員弁實力辦理等語應令直隸總督轉飭該  
廳汛員弁臨時實力辦理

奏稱北運河清水流沙與永定河水性不同流沙隨  
挑隨滿難言濬深但淤久成灘為患則一其截灘  
之法抽槽通溜勿使嫩淤得老則應如永定河一  
律辦理汛官記功記過考核成效請俱照永定河  
之例等語應令直隸總督飭令該管汛員實力辦



理其汎官文武各員功過亦應如所奏即照永定河之例查辦

奏稱永定北運兩河之外如千里長隄子牙河皆仰蒙

聖恩一體動項興修嗣後亦宜詳求妥善查千里長隄自苑家口以東為東淀係天津道所轄苑家口以西為西淀係清河道所轄而隄工亦以此分界經管屬天津道者為子牙通判屬清河道者為保定

府清軍同知子牙通判駐大城縣之王家口保定府之清軍同知則相距太遠防守莫及應請於張青口以東隄工接頭之處改隸天津道並交子牙通判經管則一隄首尾聯絡矣惟是子牙通判兼管格淀隄子牙隄千里長隄即不添此一段已覺難以兼顧而所屬之大城縣縣丞分管隄埝長至二百餘里辦工太為遼遠查格淀隄自當城以下已改為疊道原管之州同一員及把總一員河兵

二十名應行裁掣其把總經臣等議撥歸永定河  
下口今應將州同一員移駐大城之固獻地方隨  
帶河兵十名與大城縣縣丞分段管理則子牙通  
判得以從容辦理矣餘河兵十名原從南運河各  
汛內抽出應歸南運河差遣以補原額等語自應  
如所奏張青口以東隄工接頭之處准其改隸天  
津道並交子牙通判經管其州同一員准其移駐  
大城之固獻地方與大城縣縣丞分段管理至應

用河兵准其在於格淀隄裁掣二十名河兵內隨帶十名餘河兵十名仍歸南運河差遣補額

奏稱南運河蒙

皇上指示開通興濟捷地兩減河水有去路現在溜勢立穩即上年伏秋二汛異長之水亦未致泛溢嗣後若間有新生淤灘又老灘古淺亦俱照永定北運兩河之例隨時挑截統於歲搶修銀內報銷等語應令直隸總督轉飭該管汛員隨時挑截所需

銀兩統於歲搶修案內造報查核

奏稱文安縣主簿駐劄蘇家橋並無額設河兵查揚  
村廳屬泅溝千總汛內隄工自南倉以下改為疊  
道歸天津縣經管計該汛工段已少四分之一所  
有該汛原設河兵四十五名之內應酌減六名撥  
給文安縣主簿以供防守之用等語應如所奏楊  
村廳泅溝汛原設河兵四十五名內准其酌減六  
名撥給文安縣主簿駐劄蘇家橋防守

奏稱永定河官有汛房兵有堡房所以重巡查而資保護北運河兩岸隄工向來並無堡房於每三里設有堡房一座計二間分派河兵一名攜帶眷屬住宿倘有出險之處立即傳辦以便集夫防守查運河東西隄工共長三百三十七里計應設堡房一百一十一座又北運河各汛員弁遇伏秋汛期應住河干督率防守向來並無汛房難以存站應於該汛適中之地建蓋汛房三間計兩岸應設十

二處查此項並永定河移駐汛官房屋及各工汛房亦有應行修理之處現在飭估統於節省項下動用毋庸另行請項等語應其所奏准其添設汛房堡房以資棲止仍行令直隸總督將前項添設汛房堡房及應行修理移駐汛官房屋各工汛房所需工料銀兩照例核實確估造報工部查核可也謹

奏奉

旨依議欽此

乾隆三十七年十一月二十日工部為設立浚船  
以重河防事該臣等議得直隸總督兼理河道周  
元理疏稱永定河水性夾沙易致積淤為患議請  
添設浚船五艙者八十隻三艙者四十隻共一百  
二十隻并置備拖沙器具派交十八汛分管五艙  
船每隻并器具銀五十兩三艙船每隻并器具銀  
三十兩在於節年節省中泓項下動支造報各等



因經<sub>臣</sub>等恭摺奏奉

硃批俞允咨准部覆行令造冊具題等因隨即轉行遵  
照去後茲據永定河道滿保詳據署三角淀通判  
張壬仕河營守備王朋將應需工料銀兩照例造  
冊送轉前來查冊開承造浚船五艘船八十隻每  
船并器具估需銀五十兩共估需銀四千兩三艘  
船四十隻每隻并器具估需銀三十兩共估需銀  
一千二百兩以上通共估需銀五千二百兩按冊

覆核工料銀數相符應請准其估報所有送到估冊擬合呈請核題等情臣覆核無異除冊送部查核外理合具題等因前來查永定河添設浚船一百二十隻五艙船八十隻三艙船四十隻先據

欽差尚書裘曰修等奏准抄摺咨部經臣部行令照例

核實確估造冊具題查核在案今據該督將承造前船并器具共估需工料銀五千二百兩造冊具題應如所題辦理仍令行該督將用過工料銀兩

切實保題造冊報銷可也奉

旨依議欽此

乾隆三十七年十二月十二日直隸總督臣周元  
理為欽奉

上諭事乾隆三十七年十二月初八日承准大學士劉  
統勲字寄內開奉

上諭永定河下口自康熙年間築隄之始原就南岸雍  
正年間因河身漸淤改由北岸近自乾隆癸酉間又

改從冰窖南出兩河之間是以康熙年間之北隄轉  
為南隄雍正年間之南隄轉為北隄嗣後節次興工  
修治地勢屢更是冰窖之故道又已不免今昔異形  
著傳諭周元理將康熙年間初次築隄沿至於今中  
間改移地名次數並議改緣由詳細確查列一簡明  
清單即行附摺奏聞欽此臣查永定河自康熙三十  
七年築隄之後河流遷徙靡常昔日之河身悉為  
今日之沙淤南高北低以致水勢日趨於北誠如

聖明洞鑒不免今昔異形自初次築隄至今除節年歲  
修或裁灣取直或因勢導流稍有遷移不計外前  
後河道共改六次謹將改移地名次數並議改緣  
由逐一確查開具簡明清單恭摺奏呈

御覽伏乞

皇上睿鑒謹

奏奉

硃批摺留覽欽此

清單

遵將永定河下口自康熙年間至今各隄埝河道  
改移地名次數並議改緣由分晰開列清單恭  
呈

御覽

康熙三十七年自良鄉縣老君堂築隄開挖新河  
由永清縣朱家莊經安瀾城入淀至西沽達海為  
永定河兩岸築隄之始此第一次河道改由安瀾

城

康熙三十九年因安瀾城河口淤塞於永清縣郭家務之下改由霸州柳岔口歸淀入海並接築兩岸大隄即今之東老隄西老隄此第二次河道改由柳岔口

雍正四年因柳岔口以上漸次淤高於柳岔口稍北改為下口自永清縣郭家務起開河引水至武清縣王慶坨之東北由三角淀葉淀入大清河歸

海并自南岸六工永清縣之冰窖起至王慶坨止  
北岸五工何麻子營起至武清縣范甕口止建築  
兩岸大隄即今日之舊南隄舊北隄此第三次河  
道改由王慶坨

乾隆十六年南岸六工以下冰窖減水草壩因凌  
汛水大由壩口掣溜遂由冰窖改河從舊有之東  
老隄開通歸葉淀入淀因於南岸自霸州之柳岔  
口起接築至天津縣三河頭止改為南隄北岸自



六工十六號起至鳳河西邊蕭家莊止接捻一道  
為北捻此第四次河道改由水窖草壩

乾隆二十年因水窖河口以北淤成南高北低仰  
蒙

聖駕親臨閱視將北六工二十號以下開隄改河於地  
勢寬廣之處任其蕩漾散水勻沙仍歸沙家堤入  
海此第五次河道改由北六工二十號以下地名  
賀堯營

乾隆三十七年興舉大工水由北六工趨下恐河  
流再向北徙於下游條河頭一帶河道挑浚寬深  
使水勢直抵毛家窪該處地面寬廣足資容納仍  
歸沙家淀遠津入海此第六次河道改由條河頭  
以上各河道自築隄後迄今遷徙靡常前後共  
改六次計第一次之安瀾城距今河身已徙北  
十餘里水窖改河之後康熙年間之北隄轉為  
南隄雍正年間之南隄轉為北隄以今日河身

而論則九屬康熙雍正年間所築之南隄北隄俱在河之南矣再查乾隆五年因河流日漸北徙於北大隄起由東安縣葛漁城至鳳河西岸止築北埝一道乾隆二十一年因北埝不足恃又於永清縣趙百戶營築遙埝一道此二埝久經汕刷殘廢已成蕩漾之區又乾隆二十八年於北大隄永清縣之荆堡起至武清縣之黃花店止添築越埝一道越埝與三河頭以上之南

埝相距三十餘里現在河流在此二埝之中本年大工案內修理鞏固合併陳明

乾隆三十八年三月二十八日直隸總督臣周元理為

奏明事恭逢

聖駕巡幸津淀

閱視永定河工程

臣

於三月初四日面奉

上諭南北兩岸俱在隄裏近根處種植卧柳當即欽遵

傳諭永定道並飛飭各廳汛乘時栽種已俱陸續  
具報於十三日清明前一律種齊昨臣沿隄察驗  
凡屬隄裏近根之處俱已排次密種齊全現在飭  
令各汛員將每汛種柳若干成活若干由道廳點  
明具報存案倘有枯損即行補栽並蒙

面諭下口南北兩隄內多有村莊圍村密栽卧柳亦飛  
行地方官轉飭趕種如是二三年間滋長茂密洵  
足以資保護又金門閘挑水壩仰蒙

皇上指示再行加長使水勢迴溜過壩北村壩求賢壩  
兩處亦蒙

聖諭應照金門閘各築挑水壩臣現又率同永定道滿

保並廳汛各員相度形勢如式妥辦再臣由下口

至盧溝橋一路察勘此時正當河水消涸凡有淤

淺阻塞之處一目了然當即分飭道廳汛各官從

盧溝橋起由下口直抵沙淀止凡屬中泓淤塞處

所逐段勘丈其小灘淤嘴即令浚船河兵挑挖如

有工段必需估方開濬亦即一體乘時趕辦務使  
節節疏通上下游暢流無阻並兩岸隄工間有低  
薄之處或應加培或應廂築均於汛前一律辦竣  
臣再親往查驗所有需費統於歲修項下動撥務  
期有備無患以仰副

聖主厯念河工籌及萬全之至意理合一併恭摺

奏明伏乞

皇上睿鑒謹

奏奉

硃批覽奏俱悉欽此

乾隆三十八年閏三月二十一日直隸總督臣周

元理為

奏明事竊照永定河所設三角淀州判汛員自改建  
下口之後相距已遠今又安設浚船應將汛官三  
員州判一員把總一員移駐毛家窪等處就近稽  
查辦理其各工汛署有應行修理之處一體估修



以資棲止在工防護又北運河兩岸隄工向無堡  
房汛房應每三里設堡房二間令河兵攜帶家眷  
住宿倘有出險之處立即傳報集夫搶護再於各  
該汛適中地方設汛房三間令各該汛員弁於汛  
期住宿河干防守經工部尚書裘曰修會同臣逐  
一勘履明確於善後事宜案內彙摺具

奏准部議覆將所需工料確估造報茲據永定河滿  
保通水道劉綬估報具詳前來臣查永定河移駐

南埝汛官三員淀河州判一員把總一員應添汛署五處每汛估銀一百二十兩修理舊汛署十五處每汛估銀自四十九兩至一百十七八兩不等又浚船兵夫往來棲止草房十五間估銀六十兩共需銀二千一百六十兩北運河添設堡房一百一十一處每堡二間估銀十四兩零汛房十二處每汛三間估銀三十一兩零共需銀二千二十兩零覆核已無浮多請照臣等原奏即於大工節省項

下動支除飭造估冊送部查核外所有動支銀兩  
緣由理合恭摺

奏明伏乞

皇上睿鑒謹

奏奉

硃批該部知道欽此

乾隆三十八年六月初五日直隸總督臣周元理  
為欽奉

上諭事乾隆三十八年六月初四日承准協辦大學士

尚書于敏中字寄內開奉

上諭口外自五月二十一二等日雨後灤河及潮白等  
河水俱驟長連日熱河雨覺稍稠聞灤河水勢復大  
畿輔一帶雨水情形大畧相仿未審永定河今年水  
勢如何是否不致盛長河溜能否循赴中泓甚為注  
念著傳諭周元理即速查明據實覆奏至該處設立  
浚船以供濬刷淤沙之用春間親臨閱視見船艤河

中尚未視有成效彼時即曾諭及如果實力淘浚使  
中泓沙不停淤於河防自不無小補若徒視為具文  
自難冀其得益添設浚船一事原出自裘曰修之意  
彼身若在自必加意董辦不虞廢弛今裘曰修已故  
恐滿保等未必復肯認真董辦徒有浚船之名而無  
挑濬之實則是虛糜工帑製造豈不可惜永定河原  
係周元理專責而浚船之事周元理亦同會奏著周  
元理留心督辦毋任作輟因循致成虛設仍將現在

辦理情形若何一併奏覆欽此遵

旨寄信前來臣查

畿輔一帶五月二十一二等日雨後各河道俱報長  
水幸而安流順軌工程各處鞏固惟潮白二河水  
勢稍大北運河之王家務筐兒港等壩過水五六  
尺亦即消退隄工平穩緣由經臣於三十日具摺  
奏明在案茲跪讀

上諭仰見我

皇上屢切民生軫念河工之至意查永定河于五月二十日河水長發據報全河水勢自六七尺至八九尺不等該道滿保督同廳汛各員在工搶護水勢雖猛大溜直走中泓迅趨下口間有漾水泛至隄根隨宜下埽廟塾兩岸十二工無不仰托

聖主福庇一律穩固二十八暨初一等日又連次得

硃批

雨疏密相間于秋末固屬有益各處河水皆旋長

此處有旨欽此

旋消初一日金門關辰時過水六寸巳時即已斷

流現據各廳具報河水止深三四尺即盧溝橋亦不過六七尺不等水勢極為平順至浚船一項原係裘曰修與臣會商奏請添設且河道為臣之專責何敢稍任因循春間仰蒙

聖明指示周詳凡有應浚之處該道廳督率河兵往來挑挖臣于五月初查工之時親往督勘一應淤嘴以及稍有阻碍地方復飭令在在裁切疏濬此番水發溜走中泓直達下口未必不稍資浚船之益



總之永定河水性靡常苟有補偏救弊之方即當設法籌辦况有治人無治法業經定有章程之事敢不仰體

皇上又安河務之

恩訓實力奉行以冀漸臻成效臣現將緊要審案並奏

請盤查司庫等事辦竣即於本月初七日起程至長安城防汛連日天氣晴霽河水更當消落過水後未免又有沙淤臣親身駐工自當往來相度督

河渠志卷十七  
今該道廳等分派河兵駕船淘浚以期裨益河防  
斷不敢稍有作輟致成虛設所有永定河水勢平  
穩並浚船辦理各情形謹遵

旨據實覆

奏伏乞

皇上睿鑒謹

奏奉

硃批覽奏稍慰欽此

乾隆三十八年六月十六日直隸總督臣周元理  
為

奏明事竊臣查勘永定河水勢工程並督飭浚船挑  
挖淤淺各情形先經恭摺奏明

聖鑒茲復由下口至七八九等工查驗各處隄埝工程  
亦俱穩固臣又乘坐浚船順流而下察看河溜水  
勢於發水之後俱有遷改而條河頭舊有之河道  
今年又向北徙緣乾隆三十五六兩年在北岸二

工南岸頭工漫口出水是以三工以下流及下游者其勢甚緩至三十七年伏秋二汛水又平穩則下口一帶不受冲激之患者已三年矣本年五月二十一六月初一等日兩次汛期發水極其迅猛上游各工幸得搶護平穩而大溜洶湧奔騰直趨下口將中泓河底刷深三四尺所有泥沙悉歸條河頭之舊河淤成平地其澄清之水俱從條河頭以此散漫而下所以沙淀竟不致受淤也

臣查南

殊批

北六工以下原皆任其蕩漾之區而條河頭以北  
地勢本窪現在河水漸趨於北雖係清流之水恐  
將來日刷日寬則七八九工之北隄又不可不預  
為防範目下伏汛雖過秋汛即屆已分頭委員協  
同該汛官將北隄之八工九工其間未看欽此星夜加高培厚務  
保無虞並委員分撥浚船將向南新淤各處督率  
河兵竭力挑挖蓋此蕩漾之地苟能使南受一分  
之水即于此受一分之益現與滿保酌商俟白露

之後水勢歸槽再行確勘形勢或于條河頭以南  
復加挑通引水仍由舊道俾有分注或另籌疏濬  
之方容臣相度體訪于趨赴熱河

行在之時詳晰陳

奏並繪細圖面呈

御覽恭請

硃批

聖訓遵行所有永定河下口勘明改濬實在情形理合

目下即應具圖來欽此

恭摺

奏明伏乞

皇上睿鑒謹

奏奉

硃批知道了欽此

乾隆三十八年六月十六日直隸總督臣周元理  
為欽奉

上諭事乾隆三十八年六月十六日承准協辦大學士  
尚書于敏中字寄奉

上諭金門閘宣洩永定河盛漲其情形與南河之毛城  
舖相似永定河挾沙而行與黃河水性亦同向來毛  
城舖於過水後即將口門及河流去路隨時疏濬以  
免淤停誠為利導良法金門閘自當仿而行之著傳  
諭周元理督飭河員於金門閘過水之後即為挑濬  
務使積淤盡滌水道暢行以資疏洩嗣後金門閘每  
遇水過永遠照此辦理仍將永定河水勢長落情形  
隨時奏聞欽此

臣

查金門閘舊有攔水草壩一道春



閻仰蒙

聖明指示加長使有迴溜過壩並令北村求賢兩仄壩  
俱照金門閘添築攔水草壩一道以緩水勢當即  
欽遵妥辦六月初一日辰刻求賢北村壩過水甚  
小惟金門閘過水六寸已時即已斷流為時本屬  
不久又因迴溜緩行停沙自少

臣欽奉

上諭後親往履勘所有口門停沙不過三四寸隨飭令  
南岸廳陳琮督同汛員即日集夫挑挖其河流去

路亦一體淘濬務使積沙盡滌水道暢行並飭永定道滿保定為章程嗣後一經過水即照此辦理以期永遠遵行至全河水勢數日來天氣晴明有落無長淺處自二尺五六寸至三尺二三寸最深亦不過四尺六七寸昨交三伏汛期於十三日夜密雨淋漓則量水誌僅長三寸有餘十四日晴霽後刻下又復水落如前河流極為平穩工程在在鞏固看來風清日皎秋汛亦可保安瀾除以後遵

旨將長落情形隨時奏

聞外所有

臣 欽奉

上諭並勘明遵辦緣由理合恭摺

奏覆再南運河亦據報安流順軌減水各壩俱能  
暢洩無阻合併陳明伏乞

皇上睿鑒謹

奏奉

硃批好知道了欽此

乾隆三十八年六月二十八日直隸總督臣周元

理為遵

旨繪圖呈

進事竊照永定河下口改溜北徙勘明具

奏奉

硃批知道了欽此又旁奉

硃批目今即應具圖來欽此臣查本年汛水漲發勢極

迅猛將中泓河底刷深三四尺以致挾帶泥沙直

注條河頭舊河淤成平地其蕩漾之水改徙北流

所有條河頭春間

殊批

聖駕經臨之地本在河之北岸今又在河之南矣臣昨

此足見無定矣

乘浚船沿流查勘水由洛圖莊以南澄清散漫而

殊批

下經馬頭惠家鋪之後响口村之前直達沙家淀

離北隄尚遠現在北隄之七八九工俱已加高培

耳欽此

厚務保無虞謹確按情形繪圖貼說恭呈

御覽現今改徙之大溜深有四尺其散漫之水不過二

三寸所有各處新淤應行疏濬者已分撥浚船逐段挑挖合併恭摺

奏明伏乞

皇上睿鑒謹遵

旨繪圖恭摺具

奏奉

硃批覽奏俱悉欽此

乾隆三十八年六月二十九日工部為設立浚船

以重河防事該臣等查得直隸總督兼理河道周  
元理疏稱永定河添設浚船一百二十隻經臣據  
冊題估接准部覆行令將用過工料銀兩切實保  
題造冊報銷等因行據永定河道滿保詳稱三角  
浚通判張士仕河營守備王朋奉委承造五艚浚  
船八十隻三艚浚船四十隻通共用過銀五千二  
百兩擬合造冊同結詳請察核題銷等情臣覆核  
無異除冊結送部查核外理合恭疏具題等因前

來查永定河添設五艙三艙浚船一百二十隻先據

欽差原任尚書裘曰修等奏准並估需工料銀兩造冊

具題經

臣

部覆准在案今據該督將用過工料銀

五千二百兩造冊題銷

臣

部按冊查核內所開料

物匠工等項照該處物料價值則例並造船准銷之案核算均屬無浮應准其開銷可也奉

旨依議欽此



乾隆三十八年九月初十日直隸總督臣周元理  
為

奏明事竊照永定河下游七工舊河身內有坐落武  
清縣范甕口葦麻地三十八頃九十四畝零經前  
督臣方觀承於乾隆三十一年

奏請召民試種禾稼約畧定租每年酌征租銀一千  
六十餘兩收貯道庫為永定河各廟祭祀及河防  
一切公務之用不入奏銷報部自三十二年至今

屢有拖欠照數催比即紛紛呈退另行召認咸以  
租重累足不前先後據該道滿保並該縣等詳請  
減租臣於本年查工之時順道履勘其地本屬下  
游土隄沙薄既經墾種有年若無人認佃必致荒  
蕪因諭令滿保等查明四面隣地租數仿照核定  
茲據議詳前來臣查原定額租每畝自一錢五分  
至三錢不等似覺稍重今查照隣地分別上中下  
三則每畝自一錢至二錢一分六釐較原租共核

減銀三百四十兩五錢五分零計每年應征銀七百二十八兩四錢三分零即以三十八年為始其三十五六等年因灾蠲緩尾欠並三十七年未完亦照現定之租核計如已足額應請概行寬免以省追呼不足則催追完報如此量地輸租仍責令原佃認種毋許拋荒亦不許再有拖欠其每年所征租銀除循例動支酌神祭祀等項外同現在道庫征存銀二千餘兩遇有需用隨時

奏請動支所有酌定租數查辦緣由

臣恭摺

奏明伏乞

皇上睿鑒謹

奏奉

硃批如所議行欽此

乾隆三十八年戶部為遵

旨等事該

臣

等議得直隸總督周元理奏東安永清二

縣糧地減賦一摺奉

硃批該部速議具奏欽此

臣

等查得本年春間恭逢

皇上巡幸天津閱視文安窪地積水

特沛恩旨令該督周元理將積水之多寡定糧賦之等

差水大則全行蠲免水小則量為減賦若水涸可

耕種者仍照額征輸嗣據該督查明窪內積水地

畝情形分別奏請減徵經

臣

部覆奏准行在案今

據直隸總督周元理奏稱永定河下口本年夏秋  
汎水漲發淹沒東安永清二縣額徵糧地請照文

安窪地酌減

恩例查辦奏蒙

俞允查勘該二縣被水地畝漸次涸出之外其餘未涸地七百三十四頃八十六畝零照文安縣窪地減賦之例請免十分之四銀一千四百五十六兩六錢五分零並請嗣後河流改徙即照此隨時察看情形分別全徵酌減併復額辦理等語臣等伏查文安縣大窪地居卑下水勢積退靡常仰蒙我

皇上軫念民艱分別減免於則壤成賦之中寓酌量變  
通之意允為千古不易之良法今東安永清二縣  
永定河隄內糧地既據該督親勘河流遷徙不時  
水勢積涸靡定本年夏秋汎水淹及糧地難以耕  
種業經陳

奏仰蒙

俞允是該二縣被淹地畝與文安縣窪地情形實屬相  
同似應亟邀

聖恩俯如所請將該二縣未涸地畝額徵糧銀減免十分之四以紓民力其減徵地畝糧銀各數另造細冊送部查核並於該年地糧奏銷冊內額徵項下扣除造報仍令隨時察看一俟水退可耕即行照額徵輸嗣後遇有河流改徙再行分別具奏照例核辦至奏稱天津青縣靜海武清等縣澇水淹及之處尚未親往確勘俟赴滄州等處看估城工之便順道察看如有漸次涸出堪種春麥者止須借



給籽種酌量緩徵如尚有水佔凝冰之處與文安  
窪地情形相似者酌量籌辦具奏等語應令該督  
即行親勘詳確分別籌辦另行具奏辦理等因具  
奏奉

硃批依議速行欽此

乾隆三十九年二月三十日直隸總督臣周元理  
為

奏明事竊照永定河下口上年河流改徙由條河頭

北趨所有該處北隄七工十三號起至九工三號  
止一帶隄埝最關緊要臣於上年冬間查看該隄  
面與永定河道滿保商酌勘估加培茲據該道核  
估具詳前來臣又於本月十四五等日由盧溝橋  
察看南北兩岸情形並赴三角淀下口各處履勘  
核計查下口北隄七工十三號起至九工三號計  
長二十九里雖有離河稍遠之處亦有漾水已及  
隄根舊隄低薄自應一律修築高寬鞏固以資捍

禦今擬將該處舊隄加高培厚底寬六丈五尺頂  
寬三丈高七八尺不等所需土方礮價及隔河取  
土運脚共需銀五千三百二十二兩六錢四分三  
釐又下口北六工二十號南邊淤灘二段應裁灣  
取直上口面寬五丈底寬二丈下口面寬四丈底  
寬二丈均深五尺需土方銀三百八十六兩七錢  
五分又淀水洩入鳳河舊溝三道溝形窄狹恐宣  
洩未能暢達今擬挑挖各面寬三丈底寬二丈深

三尺需土方銀二百八十八兩五錢三分以上共  
需銀五千九百九十七兩九錢二分三釐查下口  
每年疏濬額設銀五千兩祇堪為本年下口挑濬  
之用所有此次加培銀兩請於道庫歷年節省存  
庫銀內動支興修另造細冊送部查核其南北兩  
岸隄工俱有應行加培之處仍照例於本年歲修

項下通融辦理

臣謹恭摺

奏明伏乞

皇上睿鑒

訓示遵行謹

奏奉

硃批知道了欽此

乾隆三十九年七月二十日直隸總督臣周元理  
為

奏明事竊於乾隆三十六年據永定河員查出六工  
以下新淤灘地七十頃零經前督臣楊廷璋具

奏請照乾隆三十一年查出范甕口七工淤地之例  
交地方官召民認種輸租約計每畝徵租二錢零  
歲可得銀一千三四百兩收貯道庫為不入歲修  
隄埝工程之用每年仍將動用銀數奏報等因於  
乾隆三十六年四月初二日奏奉

硃批知道了欽此欽遵在案嗣因是年即值永定河大  
水漫隄凡屬河灘淤地存在在冲刷淹浸無從召種  
迨三十七年大工告竣之後始得漸次涸出經臣

屢次飭催去後據霸州永清東安等州縣先後詳稱前項新淤地畝沙多土瘠原奏所定租數太重小民咸懷觀望不敢認墾必須分別減租並請試租一二年再行定額當即飭行布政司另行委員確切履勘與該州縣所稟無異由司道議詳前來臣於本年赴永定河防汛查工之便親赴六工以下各處細加察看其地原有肥瘠不同乾隆三十七八兩年僅據該地方官召募附近居民將高地

認墾輸租據報徵解銀四百四十餘兩其餘如下  
口迤南之廢隄幫地重隄隙地均係任水蕩漾下  
流窪薄之區本年永定河汎水最為平穩然於六  
月初間即已漫及祇可於冬春時栽種二麥自難  
與高地一律徵租查從前楊廷璋僅據河員稟報  
入奏原未委員履勘今臣因兩年以來召民認種  
不前該州縣等又屢次稟詳減租故於委員查覆  
之後又經臣親勘明確若不酌減租額召種非特



荒蕪可惜且恐廢棄日久漸啟民間隱佔爭奪之  
端查前項新淤地七十餘頃除前督臣楊廷璋原  
請撥給壯二工河神廟香火地六頃又條河頭  
座落房奉

旨改建河神廟亦擬撥給香火地三頃外實存地六十  
一頃零臣與該司道等分別酌定仿照鄰地租數  
且將柳園隙地已經墾熟之十二頃零仍作上等  
每畝徵租銀二錢一分六釐其餘廢隄幫地重隄

隙地四十九頃零應作次等每畝徵銀一錢租以  
上每年實共應徵銀七百五十九兩一錢二分四  
釐即請以乾隆三十九年徵收為始如此各量地  
之高下分別定租庶使民樂輸將可以年清年款  
不許拋荒拖欠每年所收租銀同現在已徵銀兩  
仍照原奏一併收貯道庫為例不報部永定河工  
程之用如有動支照例核實具

奏所有臣勘辦新淤地租緣由理合恭摺

奏明伏乞

皇上睿鑒謹

奏奉

硃批知道了欽此

乾隆三十九年九月初十日工部為遵

旨具奏事該

臣

等查得直督總理兼理河道周元理疏

稱大工善後事宜案內永定河修建汛署兵房等  
工經臣據冊題估接准部覆行令工完造冊題銷

等因飭據永定河道滿保詳稱南北兩岸並三角  
淀修建汛房共用過銀二千一百六十兩委勘無  
浮加結詳送察核題銷等情臣覆核無異除冊結  
送部查核外理合恭疏具題等因前來查永定河  
南北兩岸並三角淀等處修建汛房工程先據該  
督奏明永定河移駐南埝汛官三員淀河州判一  
員把總一員應添新署五處修理舊汛署十五處  
浚船兵夫止息草房十五間估需工料銀兩造冊

具

題經臣部覆准行令造冊題銷等因在案今據該督  
將修建前項汛房二十處共一百六十三間實用  
過銀二千一百六十兩造冊題銷臣部按冊查核  
內所開物料匠夫等項與例均屬相符應准其開  
銷可也謹

題奉

旨依議欽此

乾隆四十年四月二十一日直隸總督臣周元理  
為

奏明事竊照永定河隄工遇有大加修培之處俱應  
另摺奏

聞辦理茲據永定河道滿保稟稱永定河南岸頭工汛  
內王皇廟前土隄一段計長四百五十餘丈外雖  
廂做草工緣本年凌汛後河流直走隄根雖溜勢  
極順但土隄沙性浮鬆隄外又有積水屢經節年

培護總覺單薄必須遠取膠土大加培築以資捍禦擬將隄頂加成三丈五尺底寬八丈五尺高一丈及一丈一二尺不等長四百五十八丈估需銀三千六百六十三兩零應於伏汛前趕築完竣等情前來今臣親詣該處詳加查看即係乾隆三十六年漫口之處最關緊要雖經三十七年大工案內培厚加高並經廂做草工而土隄沙性究屬浮鬆現在河流緊貼隄旁一直順行若非遠取膠土

照估高寬丈尺大加培築不足以資捍禦所需土  
工銀兩應請在於道庫歷年節省存貯項下撥給  
即委南岸同知陳琮駐工督辦務於伏汛前如式  
竣工臣再當親往查驗至南北兩岸尚有間段沙  
土隄工應行加高培厚之處臣亦逐一勘明已令  
該道詳加估計即於本年歲搶修等銀內通融辦  
理理合恭摺

奏明伏乞



皇上睿鑒

訓示謹

奏奉

硃批知道了應結實築修欽此

乾隆四十年七月十二日直隸總督臣周元理為  
欽奉

上諭事本月十二日承准大學士于敏中字寄內開乾  
隆四十年七月初九日奉

上諭熱河自初七日以來雨水略勤未知口內各屬陰雨情形若何尚不致過多否莊稼有無妨礙永定河水勢有無增長是否不致出槽深為厯念著傳諭周元理即速查確據實覆奏欽此到臣查本月自初六

日夜間得雨斷續初七日辰刻至亥刻雨更驟密初八初九兩夜大雨如注永定河水勢騰湧人力莫施以致大溜先後冲激北三工南頭工二處隄岸倒塌漫口並通省被雨有無淹及窪地業經通

飭查勘緣由經臣於初八初十日兩次恭摺奏

聞在案現據附近之涿州定興安肅新城雄縣稟報拒馬白溝等河漲發沿河窪地俱有水漫並省城清苑縣東南二鄉地本窪下益有積水又南運河之捷地壩過水六尺二寸興濟壩過水四尺一寸北運河之筐兒港過水六尺王家務過水七尺五寸各工俱屬平穩又據密雲縣具報潮白二河異漲等情其餘各屬尚未報到皆緣此處雨密而驟下

游宣洩不及以致平漫今於十一十二兩日天已  
晴朗消退自速已經報到州縣臣已飛飭上緊疏  
消積水其未經報到如有窪地被淹之處令其一  
面設法疏消一面具稟並令各該道府廳親歷查  
勘督同實力辦理現今高阜地面莊稼茂盛無比  
其被淹窪地雖不無積水然天氣晴明之後水亦  
易消可無大礙臣惟有督率各屬切實妥辦以仰  
副我

皇上勤求民隱之至意至永定河漫口二處北三工堵  
口甚易不日可以報竣其南頭工現在攢齊料物  
人夫趕緊堵築臣住工親自督飭務令尅期完工  
不致遲延除俟通省報到雨水情形另行具奏外  
緣奉

諭旨垂詢理合先行恭摺覆

奏伏乞

皇上睿鑒謹

奏奉

硃批覽奏稍慰其有無成災不可粉飾大約如何速奏  
欽此

乾隆四十年八月十八日大學士臣于敏中等為  
遵

旨會議具奏事直隸總督周元理奏永定河歲搶修等  
工請復舊例一摺欽奉

諭旨令臣等會同周元理妥議具奏欽此臣等伏思永

定河每年汎水有大小之不同工程亦多寡之不  
等從前將歲搶修疏濬石工等項銀兩額定成數  
又復准其上下年通融舊例本屬未善日久恐啟  
不肖工員影射冒銷之弊茲蒙

聖明指示誠為至當不易臣等面詢臣周元理據稱向

例永定河歲修銀一萬兩搶修銀一萬二千兩疏  
濬中泓銀五千兩疏濬下口銀五千兩石景山石  
工銀二千兩共銀三萬四千兩均於各年秋汎後

預期請領乘時購辦物料於次年春間陸續勘估  
興工如有節省存於道庫遇有多用之年即於此  
內通融牽算不另請帑等語是舊例歲有定額  
雖若示以限制實恐費或虛糜誠如

聖諭莫若隨時確核實用實銷之為愈也今臣等公同  
悉心籌議除業經辦過各項工程仍准照舊核實  
題銷外所有永定河每年歲需銀三萬四千兩定  
額永遠刪除嗣後每年於秋汛已過水落之後先



今永定河道將下年歲修疏濬各項事宜及需費  
多寡若干細加勘明確估臣周元理再行親往覆  
勘覆核將應辦工程及應需實用銀數先行具摺  
奏明請領採備料物於次年開凍後即興工照估辦  
理臣周元理親行詳慎驗收仍照例具題造冊報  
部核銷其搶修一項係臨時相機趕辦難以預為  
估定應請先發銀一萬兩存貯永定河道庫令其  
酌量應需料物派委妥員採辦分貯險要工所以

備臨期濟用倘有不敷臣周元理仍一面具奏一面先將庫項墊發工竣後臣周元理並查驗核實報銷我領至於另辦加培土工不在歲修廂埽之例原非常年所有從前遇有應行培築之工係將情形專案具

奏請

旨辦理仍應照舊另案奏辦如此酌定章程則工員自不敢草率悞工亦不敢絲毫浮冒總使工歸實用

帑不虛糜以仰副我

皇上慎重河防之至意所有臣等會議緣由謹合詞恭摺覆

奏是否有當伏候

皇上訓示遵行謹

奏奉

旨依議欽此

永定河志卷十七